

# LIBRI I PROFETIT MALAHI

**1** Në këtë libër janë shkruar fjalët që Zoti ia drejtoi popullit të tij nëpërmjet Malahiut.

## Zoti e do popullin e tij

<sup>2</sup>«Unë ju dua, o izraelitë – tha Zoti; por ju u përgjigjet: «Na do? Nuk e kemi vënë re një gjë të tillë!» Këtyre fjalëve Zoti iu përgjigj: <sup>3</sup>«A nuk janë Esavi dhe Jakovi vëllezër? E megjithatë Jakovin e zgjodha, kurse Esavin jo. Krahinën e pasardhësve të Esavit, malësinë e Edomit, e kam shkretur dhe ua kam lënë çakajve. <sup>4</sup>Banorët e Edomit vërtet pohojnë: «Në qoftë se shkatërrohen qytetet tona, ne do t'i rindërtojmë!» Por unë, Zoti i gjithëfuqishëm, them: «Në qoftë se i rindërtojnë, do t'i shkatërroj përsëri!» Krahina e tyre do të quhet «Vendi i braktisur prej Zotit», kurse ata vetë «Populli që do ta provojë përgjithmonë zemërimin e Zotit». <sup>5</sup>Ju do ta përjetoni vetë dhe atëherë do të thoni: «Fuqia e Zotit nuk kufizohet vetëm në krahinën e Izraelit!»»

## Pakujdesia gjatë shërbesës së fljimeve fyen Zotin

<sup>6</sup>Zoti i gjithëfuqishëm u thotë priftërinjve të tij: «Biri e nderon të atin, dhe skllavi të zotin. Ju më quani atin tuaj, por nuk më nderoni. Ju më quani Zotin tuaj, por nuk më dëgjoni! Ju më fyeni, e pastaj më pyetni: «Me çfarë të kemi fyer?» <sup>7</sup>Ju më keni kushtuar si fljirim mbi altar dhurata të papastra! A dëshironi ta dini pse janë të papastra? Megjithatë, tani thoni: «Në tryezën e Zotit nuk ka rëndësi çfarë fljohet!» <sup>8</sup>Ju më sillni si fljirim një kafshë të verbër dhe mendoni: «Kjo do të mjaftojë!» Ju më sillni një kafshë të çalë ose të sëmurë dhe mendoni: «Kjo nuk prish punë!» Provoni ta bëni këtë me guvernatorin tuaj! Sigurisht nuk mendoni se mund ta gëzoni me një dhuratë të tillë! <sup>9</sup>E pastaj ju përpiqeni që me dhurata të tilla të gëzoni Zotin!? A mendoni se e gëzoni atë? <sup>10</sup>Sikur të mbyllej vetëm njëra prej hyrjeve në Tempull, që të mos më sillnit dhurata të tilla të kota për t'i kushtuar në altarin tim! Nuk mund t'ju duroj; nuk do të pranohet asnjë dhuratë tjetër prej jush!» Kështu thotë Zoti i gjithëfuqishëm.»

<sup>11</sup>«Gjithkund në mbarë botën më nderojnë. – thotë Zoti. – Të gjitha kombet e tjera më sjellin dhurata të denja. Të gjithë më nderojnë mua, Zotin e gjithëfuqishëm – <sup>12</sup>ndërsa ju më fyeni, sepse thoni: «Në tryezën e Zotit nuk ka rëndësi çfarë fljohet! Mund t'i kushtoni lirisht diçka pa vlerë.» <sup>13</sup>E pastaj ankoheni për shërbesën fetare që më bëni! Me këtë ma nxitni zemërimin, mua, Zotit të gjithëfuqishëm. Përveç kafshëve të çala dhe të sëmura, ju sillni për fljirim edhe kafshë të vjedhura. A mendoni me të vërtetë se mund të më sillni një gjë të tillë?» Kështu thotë Zoti.

<sup>14</sup>«Kush përbetohet dhe më premtton një kafshë të çmueshme prej kopesë së tij, por pastaj më mashtron duke më sjellë një kafshë pa vlerë, atë do ta gjejë mallkimi im!» Sepse unë jam mbreti më i lartë, dhe të gjitha kombet më nderojnë.» Kështu thotë Zoti i gjithëfuqishëm.

## Priftëria e vërtetë dhe priftëria e rreme

**2** Juve, priftërinjve Zoti i gjithëfuqishëm ju thotë: <sup>2</sup>«Në qoftë se nuk e merrni seriozisht paralajmërimin tim dhe nuk më nderoni, do të bëj që mbi ju të bjerë fatkeqësia dhe do t'ju marr të drejtat që keni.

Por ju nuk u kushtoni vëmendje paralajmërimeve të mia, prandaj detyrohem t'i realizoj ato tek ju <sup>3</sup>dhe te pasardhësit tuaj. Do t'ju hedh në fytyrë jashtëqitjen e flive tuaja, kurse ju do t'ju hedh në plehërishtën që është krijuar nga gostitë tuaja.

<sup>4</sup>Unë, Zoti i gjithëfuqishëm, po ju tregoj se përse do të veprojmë kundër jush: kështu e kërkon besëlidhja që lidha me pasardhësit e Levit. <sup>5</sup>Me këtë besëlidhje u sigurova pasardhësve jetën dhe mirëqenien, edhe ua dhashë ato; por ata premtuan të më nderonin dhe kështu kanë bërë deri tani. M'u afruan me tmerr dhe dridhje. <sup>6</sup>Udhëzimet e mia ia përcollën të kulluara popullit tim dhe më shërbyen me besnikëri. Kështu mundësuan që shumë njerëz të mos ngarkoheshin me faj. <sup>7</sup>Sepse detyra e priftërinjve është kjo: ata duhet të shpallin ligjin tim, dhe kush kërkon këshillë, duhet ta gjejë tek ata; ata janë ambasadorët e Zotit për tërë botën.

<sup>8</sup>Por ju e keni shpërdoruar pozitën tuaj; ju i keni transmetuar popullit udhëzime të rreme, dhe kështu jeni ngarkuar me faj. Kështu keni shkelur besëlidhjen që lidha me pasardhësit e Levit. Prandaj unë, Zoti i gjithëfuqishëm them: <sup>9</sup>«Meqë nuk më keni nderuar, dhe me udhëzimet tuaja keni përkëdhelur popullin tim, do t'ju rrëzoj në turp; do t'ju përbuzë mbarë populli.»

## Martesa të ndaluara dhe shkurorëzime

<sup>10</sup>A nuk kemi ne, izraelitët, të njëjtin atë? A nuk na ka krijuar ne i njëjti perëndi? Atëherë përse e trajtojmë njëri-tjetrin me pabesi dhe nuk e përfillim besëlidhjen që ka bërë Zoti me të parët tanë?

<sup>11</sup>Në Jerusalem dhe në mbarë vendin ka ndodhur diçka e pështirë: burrat e Judës ia kanë shkelur besën Perëndisë; ata janë martuar me gra që adhurojnë perëndi të huaja. Kështu e kanë njollosur popullin, i cili i takon Zotit dhe të cilin ai e do. <sup>12</sup>Zoti do t'i përjashtojë të gjithë këta burra nga gjiri i popullit të tij, pa asnjë përjashtim, edhe atë që kërkon t'ia ndërrojë mendjen Zotit me një fljirim.

<sup>13-14</sup>Ju e mbytni altarin me lotët tuaj; ju qani me dënesë, sepse Zoti nuk i pranon flijimet tuaja dhe nuk ju ndihmon. Ju pyetni përse vepron kështu? Tek ju ka edhe një mëkat tjetër. Zoti e njej; ai është avokat mbrojtës i atyre grave që janë mohuar nga burrat e tyre. Ju burra, ia keni shkelur besën gruas së parë, megjithëse ajo ka qenë bashkëshortja juaj dhe i takon popullit, me të cilin Zoti ka lidhur besëlidhjen e tij. <sup>15</sup>Këtë nuk e bën askush që jeton sipas parimeve të kësaj besëlidhjeje. Sepse një njeri i tillë kërkon të lindë pasardhës që i takojnë popullit të Zotit. Prandaj ruhuni nga pikëpamjet egoiste dhe mos u ndani nga gruaja e parë! <sup>16</sup>Perëndia e Izraelit, Zoti i gjithëfuqishëm, thotë: «E urrej, kur dikush e mohon gruan e tij. Kjo është po aq e keqe sa vrasja!» Merreni seriozisht këtë paralajmërim! Askush mos ta mohojë gruan e tij!

### **Zoti do ta sigurojë me siguri të drejtën!**

<sup>17</sup>Dëgjoni, ju e mërzitni Zotin me fjalët tuaja të kota! Ju pyetni: «Me çfarë fjalësh të kota?» Tani thoni: «Me sa duket, Zotit i pëlqen kur dikush bën padrejtësi. Përse nuk ndërhyt? Përse nuk e siguron të drejtën?»

**3** Lidhur me këtë Zoti i gjithëfuqishëm thotë: «Do të dërgoj lajmëtarin tim, i cili do të më hapë rrugën. Engjëlli i besëlidhjes sime, të cilin ju e pritni, po vjen. Atëherë unë, Zoti që ju pritni, do të hyj papritur në Tempullin tim.»

<sup>2</sup>Por kush mund ta presë me gëzim ardhjen e Zotit? Kush mund të qëndrojë para Zotit kur të shfaqet? Ai është si zjarri në furrë dhe si finja në koritë. <sup>3</sup>Ai po përgatitet ta largojë bramcën me shkrije. Ai do t'i pastrojë pasardhësit e Levit, siç kullohet ari ose argjendi, që të kujdesen siç duhet për shërbesën e flijimeve. <sup>4</sup>Atëherë flijimet që do të kushtohen në Judë dhe në Jerusalem, do ta gëzojnë Zotin si më parë.

<sup>5</sup>Zoti i gjithëfuqishëm thotë: «Po vij për të bërë gjyqin, dhe do të ngre padi kundër të gjithë atyre që nuk më përfillin: kundër magjistarëve, kurorëthyesve dhe atyre që bëjnë be të rreme, kundër të gjithë atyre që ua ulin rrogën punëtorëve, që mashtrojnë vejushat dhe fëmijët, dhe ua mohojnë të drejtat të huajve që banojnë tek ata.»

### **Nderimi i Zotit nuk të varfëron**

<sup>6-7</sup>Jo, unë nuk ndryshova, – thotë Zoti i gjithëfuqishëm, – por edhe ju nuk ndryshuat. Ju ende jeni kopje të të parit tuaj, Jakovit! Si të gjithë paraardhësit tuaj, ju nuk i keni ndjekur urdhërimet e mia. Drejtohuni tek unë, dhe atëherë edhe unë do t'ju drejtohem juve dhe do t'ju ndihmoj, unë, Zoti. Ju pyetni përse jemi fajtorë? <sup>8</sup>Por a është e drejtë që njeriu t'i rrëmbejë Perëndisë atë që i përket? Ndërsa ju më keni grabitur dhe pyetni: «Çfarë të kemi grabitur?» Ju nuk ma keni dorëzuar të dhjetën e të korrave, as pjesën që u përket priftërinjve. <sup>9</sup>Mbi ju peshon një mallkim, sepse mua më mashtron mbarë populli. <sup>10</sup>Silleni të dhjetën të pazvogëluar në Tempullin tim, që priftërinjtë të kenë mjaft për të ngrënë. Mos u shqetësoni kur atëherë të keni mungesa! Kini besim te fjala ime! Ju do ta provoni se si do t'ju mbush me bekim. Do të bëj që të bjerë shi, <sup>11</sup>dhe do t'i mbaj dëmtuesit larg fushave dhe vreshtave tuaja, që të mos e dëmtojnë prodhimin.

<sup>12</sup>Atëherë të gjitha kombet do t'ju quajnë të lumtur, sepse banoni në një vend kaq pjellor. Kështu them unë, Zoti i gjithëfuqishëm!

### **Besnikëria merr më në fund shpërblimin e saj**

<sup>13</sup>Zoti thotë: "Fjalët që thoni për mua, e kalojnë kufirin! Ju pyetni: «Çfarë duhet të themi për ty atëherë?»

<sup>14</sup>Por thoni: «Kot ia mbajmë besën Zotit. Çfarë dobie ka që t'i ndjekim urdhërimet e tij, dhe për hirin e tij të heqim dorë nga mënyra e jetesës së botës?» <sup>15</sup>Shohim se sa mirë u shkojnë punët atyre që nuk kujdesen as për Perëndinë e as për vullnetin e tij. Ata janë të pasur dhe të lumtur, megjithëse janë kaq të këqij. Ata vazhdojnë të jetojnë edhe në qoftë se e provokojnë zemërimin e Zotit.»

<sup>16</sup>Zoti ka dëgjuar me kujdes kur njerëzit që ia mbanin besën, flitnin kështu mes tyre. Ai bëri që emrat e atyre që e nderojnë të shkruhen në librin e tij, që ata të kursehen në ditën e gjyqit. <sup>17</sup>Ai ka thënë: «Ditën kur do të ndërhyj, do të vërtetohet se ata janë të mjitë. Do t'i kursej si ati djalin e tij të dëgjueshëm.

<sup>18</sup>Atëherë do të shihet ndryshimi ndërmjet së keqes dhe së mirës, dhe ju do ta provoni se çfarë rëndësie ka nëse më takoni mua (ose jo). <sup>19</sup>Po vjen dita kur zemërimi im do të digjet si zjarri që përpin gjithçka.

Atëherë të gjithë ata që më urrejnë me mendjemadhësi, do të rrëmbehen si kashta që përpihet nga zjarri; do të digjen të gjithë; nuk do t'u mbetet më asgjë.

Kështu them unë, Zoti i gjithëfuqishëm.

<sup>20</sup>Ndërsa për ju që më keni mbajtur besën, atë ditë do të lindë dielli. Ai do ta nxjerrë në dritë të drejtën tuaj; gjithçka do të rikthehet. Ju do të kërceni nga gëzimi si viçat që lëshohen nga stalla në kullotë.

<sup>21</sup>Atëherë do t'i shkëlpi me këmbë të gjithë ata që kanë ngritur krye kundër meje; do të ecni mbi ta si mbi hirin që është përhapur në tokë.

Kështu do të ndodhë në ditën që do ta sjell unë.» Kështu thotë Zoti i gjithëfuqishëm.

### **Ligji dhe Profetët janë një**

<sup>22</sup>Zoti thotë: «Mendoni për Ligjin e shërbëtorit tim, Moisiut! Zbatojini ligjet dhe vendimet gjyqësore që ia dhashë në malin e Sinaït për mbarë popullin e Izraelit!

<sup>23</sup>Do t'jua dërgoj profetin Elija para se të vijë dita e madhe dhe e tmerrshme, kur unë, Zoti, do të bëj gjyqin.

<sup>24</sup>Ai do t'i kthejë fëmijët në fenë e të parëve.

Kështu nuk do të detyrohem të shkatërroj mbarë vendin kur të vij.»